



Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

RESOLUCIÓN DA ALCALDÍA.-

Asunto: Decreto aprobación expediente Bolsa de emprego cuadrilla de obras 2022. Capataz, oficial vías e obras tractorista. Oficial 2ª tractorista, Operario de vías e obras tractorista.

Expediente: 2022/G003/000550 - 2022/E001/000021

Mª Teresa Villaverde Pais, Alcaldesa do Concello de Lousame, no uso das facultades que me confire a lexislación vixente en materia de réxime local.

Á vista dos seguintes antecedentes:

1. Providencia da Alcaldía, do 02.09.2022, incoando o procedemento administrativo.
2. Memoria xustificativa da Alcaldía, do 02.09.2022, da necesidade da contratación administrativa.
3. Informe do Técnico de Administración Xeral do Concello de Lousame sobre lexislación e procedemento, do 02.09.2022.
4. Informe do Técnico de Administración Xeral do Concello de Lousame sobre as bases redactadas, do 05.09.2022.
5. Proposta de Bases de Selección para a creación dunha Bolsa de Emprego, do 07.09.2022.
6. Informe de Secretaría-Intervención do Concello de Lousame, do 07.09.2022

Examinadas as bases da convocatoria en relación coa selección do persoal que vai conformar a bolsa de emprego para contratación laboral temporal para a substitución do persoal laboral CAPATAZ, OFICIAL DE VIAS E OBRAS TRACTORISTA, OFICIAL 2ª TRACTORISTA E OPERARIO DE VIAS E OBRAS TRACTORISTA da cuadrilla de obras do Concello de Lousame, e de conformidade co artigo 21.1.g) da Lei 7/1985, de 2 de abril, Reguladora das Bases do Réxime Local,

RESOLVO:

PRIMEIRO. Aprobar as bases reguladoras da convocatoria para a constitución dunha **BOLSA DE EMPREGO** para contratación laboral temporal para a substitución do persoal laboral **CAPATAZ, OFICIAL DE VIAS E OBRAS TRACTORISTA, OFICIAL 2ª TRACTORISTA E OPERARIO DE VIAS E OBRAS TRACTORISTA** da cuadrilla de obras do Concello de Lousame, que figuran como anexo da presente resolución, nos termos en que figuran no expediente.

SEGUNDO. Publicar o texto íntegro das bases reguladoras das probas selectivas na sede electrónica do concello de Lousame e o anuncio na sede electrónica do Concello mais no BOP da Coruña.

TERCEIRO. Finalizado o prazo de presentación de instancias por Resolución de Alcaldía aprobarase a listaxe provisional das persoas admitidas e excluídas, que será publicada na sede electrónica do concello de Lousame. Concederase un prazo de tres (3) días hábiles para reclamacións, se as houbera, e /ou para a emenda dos defectos de documentación, ben entendido que non se considerará deficiencia ou erro a falla de presentación de documentación.

CUARTO. Transcorrido o prazo de reclamacións, ditarase nova Resolución estimándoas ou desestimándoas, con publicación da lista definitiva das persoas admitidas e non admitidas na sede electrónica do Concello de Lousame.





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

ANEXO BASES

BASES PARA A CREACIÓN DUNHA BOLSA DE EMPREGO PARA CONTRATACIÓN DE PERSOAL PARA A CUADRILLA DE OBRAS DO CONCELLO DE LOUSAME POSTOS DE:

- CAPATAZ
- OFICIAL DE VÍAS E OBRAS TRACTORISTA.
- OFICIAL 2ª TRACTORISTA
- OPERARIO DE VÍAS E OBRAS TRACTORISTA.

PRIMEIRA: OBXECTO DA CONVOCATORIA.

A presente convocatoria ten por obxecto o establecemento dunha bolsa de emprego para os **postos de capataz, oficial de vías e obras tractorista, oficial 2ª tractorista e operario de vías e obras tractorista** da cuadrilla de obras do Concello de Lousame, mediante contratación laboral temporal (substitución, eventual por circunstancias da produción ou de interinidade, segundo corresponda), ao abeiro do artigo 15 do texto refundido do estatuto dos traballadores e coa finalidade de substitución de postos de traballo da categoría convocada pola concorrència dalgunha das seguintes causas:

- Baixas por incapacidade temporal.
- Xubilación parcial ou anticipada e polo período que medie entre a xubilación e a cobertura da dita praza polos procedementos de provisión definitiva de postos de traballo previstos legalmente.
- Redución de xornada e polo período que medie entre a redución e súa finalización ou a cobertura da dita praza polos procedementos de provisión definitiva de postos de traballo previstos legalmente.
- Acumulación de tarefas de carácter puntual do servizo (vacacións, situacións que impliquen a necesidade de reforzo puntual do servizo, etc.)
- Calquera outra que esixa a inmediatez na contratación.

Dito persoal cesará automaticamente cando desaparezan as circunstancias que motivaron o seu nomeamento determinadas no parágrafo anterior, ou ben finalice o proceso selectivo que se convoque para prover a cobertura definitiva do posto/s do servizo, de ser o caso.

SEGUNDA: FUNCIÓNS OU TRABALLOS A REALIZAR.

2.1.- As funcións que ten asignadas o posto de **CAPATAZ** que se enumeran de forma orientativa e non exclusiva, segundo a RPT do Concello de Lousame, (BOP núm. 106 do 06.06.2022), son:

CAPATAZ
Código posto RPT: 3100
Grupo laboral IV

- Encargado da orde e coordinación dos operarios de obras
- Supervisión dos traballos de obras e servizos encargados a contratas externas
- Condución e manexo dos vehículos municipais e diversa maquinaria de obra pública para os que estea autorizado
- Mantemento básico da maquinaria e vehículos municipais ao seu cargo (engraxa, limpeza e reparacións sinxelas)
- Labores propias de oficios en xeral: albanelería, fontanería, electricidade, xardinería, carpintería, etc.
- Labores de mantemento das instalacións e redes de servizos municipais (vías públicas, sumidoiros, alumado, etc.)
- Realización de controis da auga
- Calquera das funcións asignadas aos operarios de obras
- Calquera outra relacionada co posto que lle encomende o seu superior xerárquico.





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

2.2.- As funcións que ten asignadas o posto de **OFICIAL DE VÍAS E OBRAS TRACTORISTA** que se enumeran de forma orientativa e non exclusiva, segundo a RPT do Concello de Lousame, (BOP núm. 106 do 06.06.2022), son:

OFICIAL DE VÍAS E OBRAS TRACTORISTA
Código posto RPT: 3107
Grupo laboral IV

- Condución e manexo de vehículos lixeiros e diversa maquinaria de obra pública para levar a cabo as súas funcións
- Labores de oficios especializados: albanelería, fontanería, carpintería, xardinería e electricidade.
- Labores de mantemento das instalacións e redes de servizos municipais (vías públicas, sumidoiros, alumado, etc.)
- Labores de mantemento das dependencias municipais e mobiliario urbano.
- Funcións de tractorista.
- Realización de controis de auga.
- Calquera outra relacionada co posto que lle encomende o seu superior xerárquico.

2.3.- As funcións que ten asignadas o posto de **OFICIAL 2ª TRACTORISTA** que se enumeran de forma orientativa e non exclusiva, segundo a RPT do Concello de Lousame, (BOP núm. 106 do 06.06.2022), son:

OFICIAL 2ª TRACTORISTA
Código posto RPT: 3108
Grupo laboral V

- Condución e manexo de vehículos lixeiros e diversa maquinaria de obra pública para levar a cabo as súas funcións.
- Labores de oficios especializados: albanelería, fontanería, carpintería, xardinería e electricidade.
- Labores de mantemento das instalacións e redes de servizos municipais (vías públicas, sumidoiros, alumado, etc.).
- Labores de mantemento das dependencias municipais e mobiliario urbano.
- Funcións de tractorista.
- Realización dos controis da auga.
- Calquera outra relacionada co posto que lle encomende o seu superior xerárquico.

2.4.- As funcións que ten asignadas o posto de **OPERARIO/A DE VÍAS E OBRAS TRACTORISTA** que se enumeran de forma orientativa e non exclusiva, segundo a RPT do Concello de Lousame, (BOP núm. 106 do 06.06.2022), son:

OPERARIO/A DE VÍAS E OBRAS TRACTORISTA
Código posto RPT: 3109
Grupo laboral V

- Condución e manexo de vehículos lixeiros e diversa maquinaria de obra pública para levar a cabo as súas funcións.
- Labores de oficios en xeral: albanelería, fontanería, carpintería, xardinería e electricidade sen especializar.
- Labores de mantemento das instalacións e redes de servizos municipais (vías públicas, sumidoiros, alumado, etc.).
- Labores de mantemento das dependencias municipais e mobiliario urbano.
- Realización dos controis da auga.
- Funcións de tractorista.





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

- Apoio aos oficiais de vías e obras cando sexa necesario.
- Calquera outra relacionada co seu posto que lle encomende o seu superior xerárquico.

TERCEIRA: TIPO DE CONTRATO.

Os contratos a subscribir, dependendo de cada caso, poderán ser:

a) De substitución: Por vacante na praza, para substitución de persoal con dereito a reserva do posto por motivo de ILT, baixa por maternidade, etc.

b) Por circunstancias da produción (vacacións, situacións que impliquen a necesidade de reforzo puntual do servizo, etc.)

CUARTA: DURACIÓN DOS CONTRATOS.

Segundo se estableza en cada contrato de conformidade coas necesidades do Concello de Lousame.

QUINTA: XORNADA DE TRABAJO.

A xornada será completa ou parcial segundo se estableza en función das necesidades. A xornada máxima non excederá de 37,5 horas semanais de luns a venres cos descansos que marca a Lei.

SEXTA: RETRIBUCIÓN.

As retribucións básicas serán as fixadas para os postos na RPT e nos orzamentos do Concello de Lousame.

SÉTIMA: PUBLICIDADE.

No taboleiro de anuncios e na sede electrónica do Concello publicaranse a convocatoria e as bases íntegras do proceso selectivo. Tamén publicarase o anuncio da convocatoria na sede electrónica do Concello e mais no BOP de A Coruña.

Os resultados do proceso de selección e formación da bolsa de emprego e demais anuncios relacionados con este proceso publicaranse no taboleiro de anuncios da sede electrónica do Concello de Lousame.

OITAVA: REQUISITOS DAS PERSOAS ASPIRANTES.

As persoas aspirantes deberán reunir os seguintes requisitos, referidos á data na que remate o prazo de presentación de solicitudes:

- a)** Ter nacionalidade española ou algunha outra que, de acordo co disposto no artigo 52 da Lei 2/2015, de 29 de abril, permita o acceso ao emprego público.
- Poden acceder ao emprego público en igualdade de condicións coas persoas de nacionalidade española:
- As persoas que posúan a nacionalidade doutros estados membros da Unión Europea.
 - As persoas, calquera que sexa a súa nacionalidade, que sexan cónxuxes de persoas que posúan a nacionalidade española ou doutros estados membros da Unión Europea, sempre que non estean separadas de dereito.
 - As persoas, calquera que sexa a súa nacionalidade, descendentes de persoas que posúan a nacionalidade española ou doutros estados membros da Unión Europea, sempre que sexan menores de vinte e un anos ou maiores de dita idade dependentes.





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

- As persoas, calquera que sexa a súa nacionalidade, descendentes do cónxuxe non separado de dereito de persoas que posúan a nacionalidade española ou doutros estados membros da Unión Europea, sempre que sexan menores de vinte e un anos ou maiores de dita idade dependentes.
- As persoas incluídas no ámbito de aplicación dos tratados internacionais celebrados pola Unión Europea e ratificados por España nos que sexa de aplicación a libre circulación de traballadores.

b) Ter cumpridos os 16 anos de idade e non exceder, de ser o caso, da idade máxima de xubilación forzosa.

c) Posuír a capacidade funcional para o desempeño das tarefas propias do posto de traballo o que se opta. As persoas con minusvalía serán admitidas en igualdade de condicións cos/as demais aspirantes sen que se establezan exclusións por limitacións psíquicas ou físicas, excepto nos casos en que sexan incompatibles co desempeño das tarefas ou funcións correspondentes.

d) Non estar incurso/a en causa de incapacidade ou incompatibilidade que determine a lexislación vixente.

e) Non ter sido separado mediante expediente disciplinario do servizo de calquera das Administracións Públicas ou dos órganos constitucionais ou estatutarios das Comunidades Autónomas, nin estar en inhabilitación absoluta ou especial para empregos ou cargos públicos por resolución xudicial, para o acceso aos corpos ou escalas de funcionario e para exercer funcións similares as que desenvolvan no caso do persoal laboral, no que houbese sido separado ou inhabilitado.

No caso de ter nacionalidade doutro Estado, non estar inhabilitado ou en situación equivalente nin haber sido sometido a sanción disciplinaria ou equivalente que impida, no seu Estado, nos mesmos termos o acceso ao emprego público.

f) Posuír permiso de condución B1.

g) Estar en posesión (ou en condicións de obtelo na data en que remate o prazo de presentación de instancias) do graduado de ESO ou equivalente, que deberá acreditar mediante documento oficial expedido polo organismo competente.

No caso de titulacións obtidas no estranxeiro deberase estar en posesión da Credencial que acredite a súa homologación, expedida polo Organismo competente.

Os anteriores requisitos, así como os específicos que se esixan, se é o caso, deberán reunirse con referencia ao último día do prazo de presentación de solicitudes e gozar deles ata a formalización do contrato laboral, sendo nulo o nomeamento das persoas aspirantes que estean incursas en causas de incapacidade segundo a normativa vixente.

ACREDITACIÓN COÑECEMENTO DO GALEGO.

Para o caso de que as persoas aspirantes non acrediten estar en posesión do certificado de lingua galega (Celga 1 ou equivalente), deberán superar unha proba de coñecemento da lingua galega dirixida á comprobación, por parte do Tribunal, de que comprenden, falan e escriben o galego ao nivel esixido, sendo sometidos ás probas que se consideren máis axeitadas.

Esta proba será cualificada como Apto ou Non apto; e terá carácter eliminatorio (artigo 51 Lei emprego público de Galicia 2/2015 de 29 de abril).

NOVENA: PRESENTACIÓN DE INSTANCIAS.

Os/as interesados/as en formar parte destas Bolsas de Emprego, presentarán a súa instancia no modelo que aparece no **Anexo I CAPATAZ, Anexo II OFICIAL DE VÍAS E OBRAS TRACTORISTA, Anexo III OFICIAL**





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

2ª TRACTORISTA ou Anexo IV OPERARIO DE VÍAS E OBRAS TRACTORISTA das presentes bases facendo constar de que reúnen todos os requisitos sinalados nestas bases e dirixíranse á Alcaldía do Concello de Lousame.

Presentaranse debidamente cubertas no Rexistro Xeral do Concello de Lousame ou na forma determinada polo artigo 16.4 da Lei 39/2015, de 1 de outubro, de procedemento administrativo común das administracións públicas, durante o prazo de **VINTE (20) DÍAS HÁBILES, contados dende o seguinte ao da publicación do anuncio no BOP de A Coruña.**

As solicitudes que se entreguen a través da Oficina de Correos deberán presentarse en sobre aberto para ser seladas e datadas polo funcionario/a de correos antes de ser certificada.

No caso de non presentar a documentación no rexistro do Concello, deberá remitirse xustificante da presentación da solicitude ao número de Fax: 981.821865 ou á dirección de correo-e jose.martinez@concellodelousame.gal. No caso de que a persoa aspirante non remita o xustificante da presentación da solicitude nun rexistro diferente ao do Concello de Lousame e a dita solicitude teña entrada no Concello máis alá do prazo de presentación de solicitudes a mesma entenderase presentada fóra de prazo.

Os sucesivos anuncios en relación con este proceso publicaranse no taboleiro de anuncios da sede electrónica do Concello de Lousame.

As solicitudes presentaranse no modelo de instancia que corresponda (Anexo I, II, III ou IV) e irán acompañadas dos seguintes documentos:

- a) Declaración xurada na que manifesten que reúnen todos e cada un dos requisitos xerais esixidos na convocatoria (inclúese no modelo de instancia).
- b) Copia do DNI ou pasaporte. Ademais, as persoas aspirantes estranxeiras deberán presentar documento que acredite que é nacional da Unión Europea ou dalgún Estado ao cal en virtude dos tratados internacionais celebrados pola Unión Europea e ratificados por España, sexa de aplicación a libre circulación de traballadores.
- c) Copia do permiso de conducir B1 en vigor.
- d) Copia da titulación requirida para o desempeño do posto ao que se opta (base 8.g) graduado de ESO ou equivalente)
- e) Copia da documentación acreditativa dos méritos alegados:
 1. **Experiencia profesional:** É imprescindible a presentación do Informe de vida laboral e os contratos ou certificados de empresa onde conste o tempo traballado e o posto ocupado. De non presentarse todos estes documentos non se valorará a experiencia laboral.
 2. **Formación:** É imprescindible a presentación dos títulos ou certificados dos cursos realizados onde figure claramente o nome da entidade que os imparte, o título do curso e o número de horas. De non constar estes datos nos títulos ou certificados non serán tidos en conta para a valoración da formación.

A documentación deberá ser fotocopia, sen ser precisa a copia cotexada; presumírase documentación auténtica, e unicamente será requirida a presentación de documentación orixinal aos aspirantes que finalmente sexan seleccionados. No caso de detectarse falsidade documental, será motivo de exclusión do proceso.

DÉCIMA: ADMISIÓN DE ASPIRANTES.





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

Finalizado o prazo de presentación de instancias por Resolución de Alcaldía aprobarase a listaxe provisional das persoas admitidas e excluídas, que será publicada no taboleiro de anuncios da sede electrónica. Concederase un prazo de tres (3) días hábiles dende a publicación para reclamacións, se as houbera, e /ou para a emenda dos defectos de documentación, ben entendido que non se considerará deficiencia ou erro a falla de presentación de documentación.

Transcorrido o prazo de reclamacións, ditarase nova Resolución estimándoa ou desestimándoa, con publicación da lista definitiva das persoas admitidas e non admitidas no taboleiro de anuncios da sede electrónica do Concello de Lousame.

UNDÉCIMA: TRIBUNAL SELECCIONADOR.

O Tribunal seleccionador estará composto por un/unha presidente/a, unha persoa secretaria e tres vogais nomeados por Resolución de alcaldía de conformidade co artigo 60 do Real Decreto Legislativo 5/2015, de 30 de outubro, polo que se aproba o Texto Refundido do Estatuto Básico do Empregado Público. Non poderá constituírse, nin actuar sen a presenza, cando menos, de máis da metade dos seus membros, titulares ou suplentes, indistintamente. En todo caso requírese a asistencia do/a presidente/a e do/a secretario/a. Todos os membros do Tribunal seleccionador deberán posuír a titulación ou especialización igual ou superior á esixida para o acceso á praza convocada.

O Tribunal de selección estará facultado para a interpretación das presentes bases, así como para resolver as dúbidas que xurdan da súa aplicación e determinará a actuación procedente nos casos non previstos.

Quen forme parte do Tribunal deberase absterse de intervir cando concorran nel algunha das circunstancias no artigo 23 da Lei 40/2015, de 1 de outubro, de réxime xurídico do sector público; así como cando realizase tarefas de preparación de aspirantes durante os cinco anos anteriores á publicación desta convocatoria.

A resolución de alcaldía cas persoas membros do tribunal seleccionador exporase ao público no taboleiro de anuncios e na sede electrónica do concello, xunto coa listaxe provisional de aspirantes admitidos e excluídos e a data, hora e lugar de celebración da proba de galego, para aqueles que non aportasen o certificado Celga 1, e da entrevista persoal.

Os/as aspirantes serán convocados/as en chamamento único, quedando decaídos no seu dereito aqueles que non comparezan, salvo casos de forza maior debidamente xustificadas e apreciados discrecionalmente polo tribunal.

Os/as aspirantes deberán presentarse co D.N.I., ou documento fidedigno acreditativo da súa personalidade a xuízo do tribunal.

A publicación dos resultados obtidos por cada aspirante farase exclusivamente no Taboleiro de Anuncios da Casa do Concello e na sede electrónica.

DUODÉCIMA: SISTEMA DE SELECCIÓN. FORMA DE DESENVOLVEMENTO E SISTEMA DE CUALIFICACIÓN.

Sistema de selección: Concurso-oposición.

A puntuación máxima que pode acadarse no concurso-oposición e de **18 puntos distribuídos da seguinte maneira**:

FASE DE CONCURSO: VALORACIÓN DE MÉRITOS (Máximo 6 puntos):





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

O concurso consistirá na comprobación, avaliación e cualificación dos méritos alegados e xustificados polos/as aspirantes.

A puntuación máxima outorgada na fase de concurso non poderá exceder de seis (6) puntos.

As puntuacións outorgadas publicaranse no taboleiro de anuncios do Concello e na súa sede electrónica.

Nesta fase valoraranse os méritos específicos adecuados ás características do posto de traballo segundo o seguinte:

BAREMO:

Experiencia laboral (Ata 4 puntos).

A puntuación máxima acumulada neste apartado non poderá superar os 4 puntos.

a.1) Por cada mes traballado na empresa privada a xornada completa, realizando tarefas directamente relacionadas co posto de traballo ao que se opta, 0,02 puntos mes, ata un máximo de 4 puntos.

a.2) Por cada mes traballado na Administración Pública a xornada completa, realizando tarefas directamente relacionadas co posto de traballo ao que se opta, 0,04 puntos/mes, ata un máximo de 4 puntos.

Non se computarán servizos inferiores a un mes, considerándose os meses de trinta días.

Para estes efectos non se computarán os servizos que prestaran simultaneamente con outros igualmente alegados e reduciranse proporcionalmente os prestados a tempo parcial.

Será necesario presentar **informe de vida laboral expedido pola Administración da Seguridade Social, que se acompañará de certificado de empresa ou fotocopia dos contratos**, onde se especifique a categoría profesional e o tempo traballado.

Formación específica. Cursos de formación e perfeccionamento (Ata 2 puntos).

Por cada curso directamente relacionado coas funcións propias do posto de traballo a desenvolver, impartidos por Administracións Públicas, organismos da administración e institucións públicas ou debidamente homologados por estes, cun máximo de 2 puntos.

- Ata 10 horas, 0,20 puntos.
- De máis de 10 ata 25 horas, 0,40 puntos.
- De máis de 25 ata 50 horas, 0,60 puntos.
- De máis de 50 ata 100 horas, 0,80 puntos.
- De máis de 100 horas, 1 puntos.

Non serán obxecto de valoración as certificacións expedidas por academias privadas senón se xustifica a homologación pola Administración Pública.

Non se puntuarán méritos que non se xustifiquen coa documentación expresada.

Os méritos alegados deberán acreditarse mediante a presentación de diplomas ou documentos que acrediten a realización dos cursos, que deberán expresar a duración en horas ou xornadas completas e expresar con suficiente claridade o seu contido básico.

En caso de ter recibido varios cursos sobre a mesma materia serán excluídos os da duración inferior, ou no seu caso, e de ser máis favorable para o aspirante, aquel que outorgara unha puntuación inferior.

FASE DE OPOSICIÓN:





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

PROBA ESCRITA (Ata 10 puntos):

A fase de oposición consistirá na contestación, por escrito, dun cuestionario de 30 preguntas tipo test, con 3 alternativas de resposta cada unha, que serán propostas polo tribunal sobre os temas que se citan no Anexo I.

Os/as aspirantes disporán dun tempo máximo de corenta e cinco (45) minutos para a súa realización.

A proba cualificarase polo tribunal de 0 a 10 puntos, sendo preciso acadar 5 puntos como mínimo, para non quedar eliminado/a.

Entrevista curricular. (Ata 2 puntos)

Consistirá na realización de entrevista curricular sobre as funcións a desenvolver no posto de traballo, currículo profesional dos aspirantes, experiencias formativas, coñecemento do territorio, e resolución de problemas, que se valorará entre 0 e 2 puntos.

Proba de galego.

En base ao establecido no artigo 51.2 da Lei 2/2015, do 29 de abril, do Emprego público de Galicia, respecto da acreditación do galego, aquelas persoas que non acrediten coñecementos básicos en lingua galega terán unha proba, que será cualificada como apto/a ou non apto/a. Quedarán exentas da realización desta proba aquelas persoas que acrediten, coa presentación da instancia, estar en posesión do Celga 1 ou equivalente.

DÉCIMO TERCEIRA: SELECCIÓN DAS PERSOAS ASPIRANTES. EMPATE

O Tribunal emitirá a correspondente acta co establecemento das puntuacións obtidas no proceso selectivo, sendo a cualificación definitiva o resultado das puntuacións obtidas no concurso - oposición

A dita acta publicárase no taboleiro de edictos da sede electrónica do Concello de Lousame ordenada de maior a menor puntuación.

Supostos de Empate:

En caso de empate nas puntuacións de dúas ou máis persoas candidatas, o Tribunal resolverá conforme aos seguintes criterios de desempate:

Atenderase á primeira letra do primeiro apelido seguindo a orde alfabética en vigor aprobada pola Xunta de Galicia para o ano 2022. (Letra <<T>> de acordo coa Resolución de 28.01.2022 da Consellería de Facenda e Administración Pública DOG núm. 24 do 04.02.2022)

De persistir o empate, atenderase á segunda letra do primeiro apelido, seguindo a orde alfabética anterior, e así até desfacer o empate; continuando polo segundo apelido e finalmente polo nome. De persistir o empate, efectuarase sorteo público.

DÉCIMO CUARTA: FORMACIÓN DA BOLSA DE EMPREGO.

Unha vez concluída a fase de selección das persoas aspirantes, o Tribunal de selección confeccionará unha lista polo orde resultante da puntuación obtida na selección, sendo a primeira a de maior puntuación e así sucesivamente. A devandita lista definitiva será aprobada por Resolución da Alcaldía e exporase no taboleiro de edictos da sede electrónica do Concello.

DÉCIMO QUINTA: FUNCIONAMENTO DA BOLSA DE EMPREGO.

A Bolsa de Emprego, segundo a orde de puntuación obtida, funcionará de acordo coas seguintes normas:

1.- Chamamentos ás persoas aspirantes.





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

Os chamamentos faranse polo medio máis urxente que permita ter constancia da súa recepción.

Nos supostos nos que a necesidade de cobertura dun posto non fose previsible coa antelación suficiente ou polas circunstancias concorrentes no proceso de chamamentos debidamente acreditadas, fose necesario a súa cobertura de xeito urxente para evitar graves prexuízos no funcionamento e/ou prestación do servizo público, o chamamento poderá realizarse telefonicamente. Neste suposto, o/a empregado/a público que o realice fará constar mediante dilixencia a súa realización, e se tivo ou non resposta.

Tamén poderase realizar mediante remisión de correo-e. Neste suposto, o/a empregado/a público que o realice fará constar mediante dilixencia a súa realización, e se tivo ou non resposta.

A renuncia a unha oferta sen motivo xustificado, ou a ausencia de resposta ao chamamento suporá que o/a candidato/a pase ao último lugar da correspondente bolsa de emprego.

A ausencia de resposta ou a renuncia a dúas ofertas sen xustificar, será causa de expulsión da bolsa de emprego.

Serán causas xustificadas de renuncia a unha oferta, e por tanto non pasará o/a candidato/a ao último lugar da lista, e quedará na mesma posición da lista como non dispoñible ata que finalice a situación que motivou a renuncia á oferta, as seguintes:

- Estar en período de descanso maternal ou de adopción, acreditado por certificado médico
- Estar en situación de incapacidade temporal, acreditado por certificado médico.
- Falecemento ou enfermidade grave de familiar ata segundo grado, acreditado por certificado médico.
- Outras causas similares ás anteriores debidamente xustificadas.
- Estar en situación de emprego activo temporal.

Deste xeito causará baixa temporal na listaxe e será responsabilidade súa xustificar a data de finalización do contrato que teña vixente para proceder a súa reactivación na bolsa de emprego.

Unha vez que o persoal contratado remate o seu contrato de traballo volverá a ocupar o lugar correspondente.

2.- Suspensión dos chamamentos por solicitude do/a interesado/a:

Os/as integrantes da bolsa de traballo que non se atopen prestando servizos poderán solicitar a suspensión das citacións mediante solicitude formulada ao efecto.

A dita solicitude, que será irrenunciable, terá efectos suspensivos nas citacións. Terá efectos dende o día seguinte da súa presentación no rexistro do concello.

O tempo de duración desta, a elección da/o interesada/o, será de seis ou doce meses computados desde a data de efectos de suspensión.

3.- Nomeamentos e cesamentos.

Poderán realizarse contratacións laborais temporais (na modalidade que corresponda, segundo os casos) nos supostos previstos na Base Primeira; e sempre que esas contratacións sexan imprescindibles para a correcta prestación do servizo, o cal deberá quedar debidamente acreditado no expediente a través do informe do servizo e da concellería correspondente no que se poña de manifesto a excepcionalidade e necesidade urxente e inaprazable desta contratación para o dito sector prioritario e para o funcionamento deste servizo público esencial.





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

Posteriormente, deberá acreditarse no expediente (co informe da Intervención Municipal) a existencia de crédito axeitado e suficiente para o financiamento da contratación laboral temporal.

Unha vez cumprimentados os anteriores requisitos, chamada a persoa candidata segundo a orde de prelación da Bolsa de Emprego, a persoa candidata deberá achegar no **improrrogable prazo dun (1) día:**

- 1) **Certificado médico** de non padecer enfermidade ou defecto físico que impida o normal desenvolvemento das tarefas inherentes ao posto ofertado.
- 2) **Declaración** de non estar afectado/a por ningún dos motivos de incompatibilidade recollidos na lexislación vixente sobre incompatibilidades do persoal ó servizo das administracións públicas, de non padecer enfermidade ou defecto físico/psíquico, que lle impida o desempeño das funcións ou tarefas correspondentes a praza á que se opta e de non estar separado/a, mediante expediente disciplinario do servizo ó Estado, ás Comunidades Autónomas ou ás Entidades Locais, nin estar inhabilitado/a para o exercicio das funcións públicas; no caso de ser nacional doutro Estado, non estar inhabilitado/a ou en situación equivalente, nin estar sometido/a á sanción disciplinaria ou equivalente que impida, no seu Estado, nos mesmos termos, o aceso ó emprego público.
- 3) **Permiso de conducción B1.**
- 4) **Titulación orixinal** requirida para o desempeño do posto. (Base 8.g)
- 5) Fotocopia da **cartilla da Seguridade Social.**
- 6) **Certificado de número IBAN** de conta bancaria a nome do traballador/a.

Quen dentro do prazo indicado, e agás os casos de forza maior, non presentase a documentación esixida nas bases da convocatoria, ou do exame da mesma deducíse que carecen dalgún dos requisitos esixidos polas mesmas, non poderán ser nomeados, quedando anuladas todas as súas actuacións e sendo eliminadas da bolsa de emprego, sen prexuízo da responsabilidade na que puidesen incorrer por falsidade nas súas solicitudes de participación.

Comprobada a documentación anterior a Alcaldía mediante Resolución procederá ao seu nomeamento.

No suposto de que unha mesma persoa aspirante fora chamada para ocupar dous ou máis postos correspondentes á Bolsa de Emprego, deberá optar por un deles, deixando constancia por escrito.

O cesamento producirase polo transcurso do prazo ou causa da contratación prevista ou por Resolución da alcaldía de conformidade co establecido na lexislación vixente.

DÉCIMO SEXTA: AMPLIACIÓN E EXTINCIÓN DA BOLSA DE TRABAJO.

A Bolsa de Emprego formada como consecuencia do proceso selectivo que regulan as presentes bases, extinguirase unha vez transcorridos catro (4) anos a contar dende a data de publicación no taboleiro de edictos do concello da Resolución da Alcaldía que a aprobe, podendo ser obxecto de prórroga por causas debidamente xustificadas e motivadas.

Mediante Resolución da Alcaldía poderá resolverse a apertura da bolsa de traballo para a incorporación de novos candidatos, así como para que aqueles aspirantes que xa estean na bolsa aporten documentación que acredite novos méritos. Rematado o prazo de presentación de instancias trala apertura da bolsa o Tribunal de selección confeccionará unha lista polo orde resultante da puntuación obtida na selección, sendo a primeira a de maior puntuación e así sucesivamente. A devandita lista definitiva será aprobada por Resolución da Alcaldía e exporase no taboleiro de anuncios do Concello e no taboleiro de anuncios da sede electrónica.





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

No caso de que con motivo da escasa presentación de instancias, o número de integrantes da bolsa de emprego non sexa suficiente, poderá iniciarse un novo proceso selectivo aínda que non teña transcorrido o prazo de catro anos de vixencia establecido neste base.

DÉCIMO SÉTIMA.

As bases desta convocatoria vinculan á Administración municipal, ao Tribunal de selección e ás persoas aspirantes que participen no proceso selectivo convocado.

DÉCIMO OITAVA: APROBACIÓN.

As presentes bases serán aprobadas pola Alcaldía, órgano competente.

DÉCIMO NOVENA: IMPUGNACIÓN.

Contra as presente bases e convocatoria, que esgotan a vía administrativa, poderase interpor polos interesados recurso reposición no prazo dun mes ante a Alcaldía, previo ao contencioso-administrativo no prazo de dous meses ante o Xulgado do Contencioso-Administrativo da Coruña, a partires do día seguinte ao da publicación do seu anuncio (artigo 46 da Lei 29/1998, de 13 de xullo, reguladora da xurisdición contencioso-administrativo).

No non previsto nas bases será de aplicación a Lei 5/1997, de 22 de xullo, de Administración Local de Galicia, a Lei 7/1985, de 2 de abril, de bases do réxime local; o Real decreto lexislativo 781/1986, de 18 de abril, polo que se aproba o texto refundido das disposicións legais vixentes en materia de réxime local; a Lei 30/1984, de medidas para a reforma da función pública, e o Real Decreto lexislativo 2/2015, de 23 de outubro, polo que se aproba o Texto refundido da Lei do estatuto dos traballadores e no que non estea reservado á lexislación do Estado será de aplicación a Lei 2/2015, de 29 de abril, do emprego público de Galicia.

ANEXO I

***Formación dunha bolsa de emprego para realizar contratacións laborais temporais de CAPATAZ
CUADRILLA DE OBRAS do concello de Lousame.***

INSTANCIA E RELACIÓN DE MÉRITOS

Nome e apelidos	
DNI/NIE	
Enderezo	

Datos a efectos de comunicación de chamamentos:

Teléfono	
Correo electrónico	

EXPOÑO:





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

Que tendo coñecemento da convocatoria publicada por este Concello para a formación dunha bolsa de emprego para realizar contratacións laborais temporais de **CAPATAZ** para o Concello de Lousame.

DECLARO BAIXO A MIÑA RESPONSABILIDADE:

- 1.- Que reúno todos e cada un dos requisitos esixidos nas presentes bases para poder participar no proceso de selección.
- 2.- Que posúo a capacidade funcional para o desempeño das tarefas propias do posto de traballo.
- 3.- Que non fun separado/a mediante expediente disciplinario do servizo de calquera das Administracións Públicas ou dos órganos constitucionais ou estatutarios das Comunidades Autónomas, nin estar en inhabilitación absoluta ou especial para empregos ou cargos públicos por resolución xudicial.
- 4.- Que non estou incurso/a nalguna das causas de incapacidade ou incompatibilidade que determine a lexislación vixente.
- 5.- Que estou en posesión do permiso de conducir en vigor clase B1.

SOLICITO:

Ser admitido/a para tomar parte no proceso de selección para o acceso á Bolsa de Emprego para realizar contratacións laborais temporais de **CAPATAZ** do concello de Lousame.

Á presente solicitude acompaño:

- ☐ Copia do DNI ou documento identificativo.
- ☐ Copia da titulación esixida para o desempeño do posto de **CAPATAZ**.
- ☐ Copia do permiso de conducir B1 en vigor.
- ☐ Informe de vida laboral emitido pola Tesourería da Seguridade Social.
- ☐ Contratos ou certificados de empresa onde figure o posto desempeñado.
- ☐ Documentación acreditativa da experiencia profesional:

Administración/0Empresa	Posto	Período	
		Dende	Ata

- ☐ Documentación acreditativa da formación:

Denominación	Impartido por	Nº horas





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

AUTORIZO:

Que publique os meus datos persoais no taboleiro e na sede electrónica do Concello.

En, a de de 20....

Sinatura: _____

ANEXO II

Formación dunha bolsa de emprego para realizar contratacións laborais temporais de OFICIAL DE VIAS E OBRAS TRACTORISTA DA CUADRILLA DE OBRAS do concello de Lousame

INSTANCIA E RELACIÓN DE MÉRITOS

Nome e apelidos	
DNI/NIE	
Enderezo	

Datos a efectos de comunicación de chamamentos:

Teléfono	
Correo electrónico	

EXPOÑO:

Que tendo coñecemento da convocatoria publicada por este Concello para a formación dunha bolsa de emprego para realizar contratacións laborais temporais de **OFICIAL DE VIAS E OBRAS TRACTORISTA** para o Concello de Lousame.

DECLARO BAIXO A MIÑA RESPONSABILIDADE:

- 1.- Que reúno todos e cada un dos requisitos esixidos nas presentes bases para poder participar no proceso de selección.
- 2.- Que posúo a capacidade funcional para o desempeño das tarefas propias do posto de traballo.
- 3.- Que non fun separado/a mediante expediente disciplinario do servizo de calquera das Administracións Públicas ou dos órganos constitucionais ou estatutarios das Comunidades Autónomas, nin estar en inhabilitación absoluta ou especial para empregos ou cargos públicos por resolución xudicial.
- 4.- Que non estou incurso/a nalgunha das causas de incapacidade ou incompatibilidade que determine a lexislación vixente.





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

5.- Que estou en posesión do permiso de conducir en vigor clase B1.

SOLICITO:

Ser admitido/a para tomar parte no proceso de selección para o acceso á Bolsa de Emprego para realizar contratacións laborais temporais de **OFICIAL DE VIAS E OBRAS TRACTORISTA** do concello de Lousame.

Á presente solicitude acompaño:

- ☐ Copia do DNI ou documento identificativo.
- ☐ Copia da titulación esixida para o desempeño do posto de **OFICIAL DE VIAS E OBRAS TRACTORISTA**
- ☐ Copia do permiso de conducir B1 en vigor.
- ☐ Informe de vida laboral emitido pola Tesourería da Seguridade Social.
- ☐ Contratos ou certificados de empresa onde figure o posto desempeñado.
- ☐ Documentación acreditativa da experiencia profesional:

Administración/0Empresa	Posto	Período	
		Dende	Ata

- ☐ Documentación acreditativa da formación:

Denominación	Impartido por	Nº horas

AUTORIZO:

Que publique os meus datos persoais no taboleiro e na sede electrónica do Concello.

En, a de de 20....

Sinatura: _____





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

ANEXO III

Formación dunha bolsa de emprego para realizar contratacións laborais temporais de OFICIAL 2ª TRACTORISTA CUADRILLA DE OBRAS do concello de Lousame

INSTANCIA E RELACIÓN DE MÉRITOS

Nome e apelidos	
DNI/NIE	
Enderezo	

Datos a efectos de comunicación de chamamentos:

Teléfono	
Correo electrónico	

EXPOÑO:

Que tendo coñecemento da convocatoria publicada por este Concello para a formación dunha bolsa de emprego para realizar contratacións laborais temporais de **OFICIAL 2ª TRACTORISTA** para o Concello de Lousame.

DECLARO BAIXO A MIÑA RESPONSABILIDADE:

- 1.- Que reúno todos e cada un dos requisitos esixidos nas presentes bases para poder participar no proceso de selección.
- 2.- Que posúo a capacidade funcional para o desempeño das tarefas propias do posto de traballo.
- 3.- Que non fun separado/a mediante expediente disciplinario do servizo de calquera das Administracións Públicas ou dos órganos constitucionais ou estatutarios das Comunidades Autónomas, nin estar en inhabilitación absoluta ou especial para empregos ou cargos públicos por resolución xudicial.
- 4.- Que non estou incurso/a nalgunha das causas de incapacidade ou incompatibilidade que determine a lexislación vixente.
- 5.- Que estou en posesión do permiso de conducir en vigor clase B1.

SOLICITO:

Ser admitido/a para tomar parte no proceso de selección para o acceso á Bolsa de Emprego para realizar contratacións laborais temporais de **OFICIAL 2ª TRACTORISTA** do concello de Lousame.

Á presente solicitude acompaño:

- ☐ Copia do DNI ou documento identificativo.
- ☐ Copia da titulación esixida para o desempeño do posto de **OFICIAL 2ª TRACTORISTA**
- ☐ Copia do permiso de conducir B1 en vigor.
- ☐ Informe de vida laboral emitido pola Tesourería da Seguridade Social.
- ☐ Contratos ou certificados de empresa onde figure o posto desempeñado.





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

☐ Documentación acreditativa da experiencia profesional:

Administración/0Empresa	Posto	Período	
		Dende	Ata

☐ Documentación acreditativa da formación:

Denominación	Impartido por	Nº horas

AUTORIZO:

Que publique os meus datos persoais no taboleiro e na sede electrónica do Concello.

En, a de de 20.....

Sinatura: _____

ANEXO IV

**Formación dunha bolsa de emprego para realizar contratacións laborais temporais de OPERARIO
VÍAS E OBRAS TRACTORISTA CUADRILLA DE OBRAS do concello de Lousame**

INSTANCIA E RELACIÓN DE MÉRITOS

Nome e apelidos	
DNI/NIE	





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

Enderezo	
-----------------	--

Datos a efectos de comunicación de chamamentos:

Teléfono	
Correo electrónico	

EXPOÑO:

Que tendo coñecemento da convocatoria publicada por este Concello para a formación dunha bolsa de emprego para realizar contratacións laborais temporais de **OPERARIO VÍAS E OBRAS TRACTORISTA** para o Concello de Lousame.

DECLARO BAIXO A MIÑA RESPONSABILIDADE:

- 1.- Que reúno todos e cada un dos requisitos esixidos nas presentes bases para poder participar no proceso de selección.
- 2.- Que posúo a capacidade funcional para o desempeño das tarefas propias do posto de traballo.
- 3.- Que non fun separado/a mediante expediente disciplinario do servizo de calquera das Administracións Públicas ou dos órganos constitucionais ou estatutarios das Comunidades Autónomas, nin estar en inhabilitación absoluta ou especial para empregos ou cargos públicos por resolución xudicial.
- 4.- Que non estou incurso/a nalguna das causas de incapacidade ou incompatibilidade que determine a lexislación vixente.
- 5.- Que estou en posesión do permiso de conducir *en vigor* clase B1.

SOLICITO:

Ser admitido/a para tomar parte no proceso de selección para o acceso á Bolsa de Emprego para realizar contratacións laborais temporais de **OPERARIO VÍAS E OBRAS TRACTORISTA** do concello de Lousame.

Á presente solicitude acompaño:

- ☐ Copia do DNI ou documento identificativo.
- ☐ Copia da titulación esixida para o desempeño do posto de **OPERARIO VÍAS E OBRAS TRACTORISTA**
- ☐ Copia do permiso de conducir B1 en vigor.
- ☐ Informe de vida laboral emitido pola Tesourería da Seguridade Social.
- ☐ Contratos ou certificados de empresa onde figure o posto desempeñado.
- ☐ Documentación acreditativa da experiencia profesional:

Administración/0Empresa	Posto	Período	
		Dende	Ata





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

☐ Documentación acreditativa da formación:

Denominación	Impartido por	Nº horas

AUTORIZO:

Que publique os meus datos persoais no taboleiro e na sede electrónica do Concello.

En a de de 20....

Sinatura: _____

ANEXO V
TEMARIO

1. A Lei de prevención de riscos laborais. Equipos de protección persoal. Condicións de seguridade nos lugares de traballo, ferramentas e maquinaria. Primeiros auxilios en caso de accidente de traballo.
2. Coñecemento do Concello de Lousame. Organización municipal e territorial.
3. Nocións básicas de albanelería, xardinería e pintura. Ferramentas. Tipo de materiais.
4. Albanelería. Ferramentas. Tipos de materiais.
5. Mantemento e conservación de vías públicas. Avarías frecuentes e reparación.
6. Maquinaria e ferramentas para obras de infraestruturas.
7. Utilización e mantemento de maquinaria e ferramentas de obras e servizos.

De acordo co establecido pola normativa vixente en materia de protección de datos, informámoslle de que o Responsable de Tratamento dos seus datos persoais é CONCELLO DE LOUSAME, con dirección CG 1.5, 15214 - LOUSAME (A CORUÑA); arturo.barreiro@concellodelousame.gal.

1.-DPO: O Delegado de Protección de Datos do CONCELLO DE LOUSAME é Servizos de Adaptación Continua en Protección de Datos RB, S.L. có que poderá contactar en arturo.barreiro@concellodelousame.gal.

2.-FINALIDADE DO TRATAMENTO: Os datos serán utilizados para prestarlle o Servizo solicitado na presente instancia. O feito de que non nos facilite parte da información solicitada poderá supoñer a imposibilidade de prestarlle o servizo solicitado.

PRAZO DE CONSERVACIÓN: os datos facilitados conservaranse durante o tempo necesario para poder atender a súa solicitude, así como para dar cumprimento legal ás xestións administrativas derivadas da prestación do servizo

3.- LEXITIMACIÓN: Este tratamento de datos persoais está lexitimado polo consentimento que nos outorga ao realizar a solicitude de prestación do servizo.

4.-DESTINATARIOS DE CESIONES: CONCELLO DE LOUSAME non cederá os seus datos de carácter persoal.

5.-DEREITOS: Ten vostede dereito a acceder, rectificar ou suprimir os datos erróneos, solicitar a limitación do tratamento dos seus datos así como opoñerse ou retirar o consentimento en calquera momento e solicitar a portabilidade dos mesmos. CONCELLO DE LOUSAME dispón de formularios específicos para facilitarlle o exercicio dos seus dereitos. Pode presentar a súa propia solicitude ou solicitar os nosos formularios, sempre acompañados dunha copia do seu DNI para acreditar a súa identidade.

A Alcaldesa.

A secretaria-interventora





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

*(no exercicio da función de fe pública, ao abeiro do
artigo 3 do RD 128/2018 do 16 de marzo)*

M^a Teresa Villaverde Pais

Paula Ares Otero

CVD: Q3n9/7e5BR0ZHIOxYuIh
Verificable en la Sede Electrónica del Organismo.

Documento asinado electronicamente, pódese validar a sinatura co código indicado na marxe na <https://sede.lousame.es>.
(O código de verificación garante, mediante o cotexo na sede electrónica municipal, a integridade do documento (artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos).

